



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 06-14-53-7/19  
Sarajevo, 24.06.2019. godine

Na osnovu člana 69. stav 1. tačka a), člana 70. st. 1, 3. i 6. Zakona o javnim nabavkama („Službeni glasnik BiH“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 91. stav (3) Pravilnika o unutrašnjoj organizaciji Kantonalne uprave civilne zaštite, a vezano za Preporuku Komisije za nabavku, broj: 06-14-53-5/19 od 24.06.2019. godine, u postupku javne nabavke roba: „Nabavka i isporuka šatora“, direktor Kantonalne uprave civilne zaštite Kantona Sarajevo,  
*d o n o s i*

**ODLUKU**  
**izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj: 06-14-53-5/19 od 24.06.2019. godine i Ugovor za javnu nabavku roba – „Nabavka i isporuka šatora“ dodjeljuje se ponuđaču „daniel'S“ d.o.o. Tešanj, prema ponudi br.: IP/475/19 od 18.06.2019. godine, zaprimljenoj dana 21.06.2019. godine, za ponudenu cijenu od 42.900,00 KM (slovima: četrdesetdvijehiljadedevetstotina KM) bez PDV-a, kao najpovoljnijem ponuđaču.

**Član 2.**

Izabrani ponuđač je dužan dostaviti original ili ovjerene kopije dokumenta iz člana 45. Zakona o javnim nabavkama („Službeni glasnik BiH“, broj: 39/14 – u daljem tekstu: ZJN), u skladu sa zahtjevima iz tenderske dokumentacije, ukoliko iste nije dostavio u svojoj ponudi.

**Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 5 (slovima: pet) dana, računajući od dana kada su svi ponuđači obaviješteni o izboru najpovoljnije ponude.

**Član 4.**

Ova odluka objavit će se na internet stranici Kantonalne uprave civilne zaštite Kantona Sarajevo, (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.



## Član 5.

Za realizaciju ove odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, koje će da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

## Član 6.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-14-53/19 od 17.05.2019. godine. Javna nabavka je sprovedena Konkurentskim zahtjevom za dostavu ponuda.

Procijenjena vrijednost javne nabavke je do 43.000 KM bez PDV-a.

Obavještenje o nabavci je objavljeno na Portalu javnih nabavki, 282-7-1-32-3-12/19 dana 10.06.2019. godine, a poziv je dostavljen na tri adrese ponuđača za koje se zna da obavljaju djelatnost koja je predmet javne nabavke.

Komisija za nabavku (u daljem tekstu: Komisija), imenovana je Odlukom, broj: 06-14-53-1/19 od 17.05.2019. godine.

Komisija je dostavila Direktor: Zapisnik o pregledu i ocjeni ponuda, broj: 06-14-53-4/19 od 21.06.2019. godine, Preporuku o izboru najpovoljnijeg ponuđača, broj: 06-14-53-5/19 od 24.06.2019. godine i Izvještaj o radu, broj: 06-14-53-6/19 od 24.06.2019. godine, u postupku javne nabavke roba – „Nabavka i isporuka šatora“.

U predmetnom postupku, po Izvještaju o radu, utvrđeno je da je Komisija blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 3 (tri) ponude,
- da su blagovremeno primljene 3 (tri) ponude,
- da nije bilo neblagovremeno primljenih ponuda,
- da je ponuda ponuđača: „daniel'S“ d.o.o. Tešanj kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,
- da ponude ponuđača: ATEX d.o.o. Sarajevo i MIGROS d.o.o. Sarajevo ne ispunjavaju sve zahtjeve tražene TD iz sljedećih razloga:

a) Ponuda ponuđača ATEX d.o.o. Sarajevo, Ul. Hadžiristića br.2, 71 000 Sarajevo nije kvalifikovana i prihvatljiva jer navedeni ponuđač nije ispunio uslove tražene tačkom 14.1 a) TD, da je u posljednje tri godine od datuma registracije, odnosno od datuma početka poslovanja, ako je ponuđač registrovan, odnosno počeo raditi prije manje od tri godine uspješno realizovao najmanje 2 (dva) ugovora ukupne vrijednosti izvršenih ugovora u visini najmanje 35.000,00 KM (bez PDV-a), a koji se odnose na predmetnu nabavku. Jedna od dvije dostavljene potvrde nije sačinjena prema zahtjevima iz tačke 14.3 TD. Naime, potvrda o prijemu opreme spasilačke opreme, broj: 01-04-01/2019 od 04.01.2019. godine ne sadrži vremensko razdoblje realizacije. Iz dostavljene potvrde ne može se utvrditi kada je ugovor realizovan, odnosno da li je isti realizovan u posljednje tri godine od datuma registracije, tj. od datuma početka poslovanja.



b) Ponuda ponuđača MIGROS d.o.o. Ul. Bunica 24; 71210 Ilidža nije kvalifikovana i prihvatljiva jer navedeni ponuđač nije ispunio uslove tražene tačkom 5. TD, odnosno iznos ponude ponuđača (46.870,00 KM bez PDV-a) je iznad iznosa procjenjene vrijednosti javne nabavke (43.000,00 KM bez PDV-a. Nadalje u Tehničkoj specifikaciji za nabavku i isporuku šatora TD, pod rednim brojem 1 – Štabni šator ponuđač je ponudio visinu sredine šatora 2,5 metara, a traženo je minimalno 3,2 metra. Pod rednim brojem 2 – Šator za sanitetsko zbrinjavanje ponuđač je ponudio površinu šatora od 35,88 m<sup>2</sup>, a tražena površina je u rasponu od 30- 35 m<sup>2</sup>. Pod rednim brojem 3 – Poljski šator ponuđač je ponudio površinu šatora od 59,50 m<sup>2</sup>, a tražena površina je u rasponu od 48-50 m<sup>2</sup>. Također, ponuđač je ponudio visinu sredine šatora 2,95 metara, a traženo je minimalno 3,2 metra. Zatim ponuđač nije upisao u koloni ponuđene karakteristike traženu visinu uz stijenke minimalno 1,6 metara.

Komisija je u Zapisniku o pregledu i ocjeni ponuda, broj: 06-14-53-4/19 od 21.06.2019. godine, rangirala prihvatljivu ponudu, prema kriteriju iz tenderske dokumentacije – najniža cijena ponude.

Kako je za predmetni postupak javne nabavke bilo predviđeno održavanje E-aukcije, a pregledom i ocjenom ponuda je ustanovljeno da je za ugovorni organ kvalifikovana i prihvatljiva samo jedna ponuda, pa se prema članu 3. (3) Pravilnika o uslovima i načinu korištenja E-aukcije (SG BiH 66/16) E-aukcija ne može zakazati i postupak javne nabavke će se okončati na osnovu člana 69. Zakona o javnim nabavkama (SG BiH 39/14).

Shodno navedenom, ponuđač čija ponuda je ocijenjena kao najpovoljnija je:

1	Naziv ponuđača	„daniel'S“ d.o.o. Tešanj
2	Sjedište i adresa	Trg žrtava 3. augusta br.1; 74 260 Tešanj
3	Ukupna cijena ponude:	42.900,00 KM bez PDV-a

U postupku donošenja ove odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te pregled i ocjenu ponude, u skladu sa kriterijumom iz tenderske dokumentacije (najniža cijena ponude).

Direktor Kantonalne uprave civilne zaštite Kantona Sarajevo, nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije.

Naime, izbor najpovoljnijeg ponuđača, u predmetnom postupku, izvršen je u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, primjenom člana 64. stav 1. tačka b) Zakona o javnim nabavkama, i člana 70. stavovi (1), (3) i (6) Zakona o javnim nabavkama („Službeni glasnik BiH“ broj: 39/14), te člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“ broj: 103/14), odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema iste. Žalba se izjavljuje Uredu/Kancelariji za razmatranje žalbi Bosne i Hercegovine, putem



ugovornog organa u pisanoj formi direktno ili preporučenom poštanskom pošiljkom na adresu: Ul. Fehima ef. Čurčića 1, 71000 Sarajevo. Žalba se podnosi u najmanje 3 (tri) primjerka.

Ugovorni organ će postupati po žalbi na način propisan odredbama člana 100. Zakona o javnim nabavkama.

**Dostavljeno:**

- Učesnicima u postupku javne nabavke 3x,
- Sektoru za ekonomske poslove KUCZ,
- a/a

